

040.0540.180505

"ՎԱՎԵՐԱՑՆՈՒՄ ԵՄ"
ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՆԱԽԱԳԱՀ Ռ. ՔՈՉԱՐՅԱՆ

"18" մայիսի 2005 թ.

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ
ՈՐՈՇՈՒՄ

28 ապրիլի 2005 թվականի N 540-Ն

ԾԽԱԽՈՏԻ ՎԵՐԱԲԵՐՅԱԼ ՏԵԽՆԻԿԱԿԱՆ ԿԱՆՈՆԱԿԱՐԳԸ ՀԱՍՏԱՏԵԼՈՒ ՄԱՍԻՆ

"Ստանդարտացման մասին" Հայաստանի Հանրապետության օրենքի 8-րդ հոդվածին համապատասխան՝ Հայաստանի Հանրապետության կառավարությունը որոշում է.

1. Հաստատել ծխախոտի վերաբերյալ տեխնիկական կանոնակարգը՝ համաձայն հավելվածի:

2. Հայաստանի Հանրապետության առողջապահության նախարարին՝

ա) սույն որոշման պաշտոնական հրապարակման օրվանից 6 ամսվա ընթացքում՝ օրենքով սահմանված կարգով հաստատել ծխախոտահումքում եւ ծխախոտային արտադրատեսակներում ռադիոնուկլիդների որոշման մեթոդիկաները:

բ) (2-րդ կետի բ ենթակետն ուժը կորցրել է 06.07.06 թիվ 968-Ն որոշում)

(2-րդ կետը փոփ. 15.11.05 թիվ 1957-Ն որոշում)

3. Սույն որոշում ուժի մեջ մտնելու օրվանից ուժը կորցրած ճանաչել Հայաստանի Հանրապետության կառավարության 1999 թվականի հունվարի 14-ի "Հայաստանի Հանրապետության տարածքում իրացվող սիգարետների վրա պարտադիր նշագրելու մասին" N 16 որոշումը:

4. Սույն որոշումն ուժի մեջ է մտնում պաշտոնական հրապարակման օրվանից վեց ամիս հետո, բացառությամբ սույն որոշման 1-ին կետով հաստատված տեխնիկական կանոնակարգի 16-րդ կետի "բ" ենթակետի, 17-րդ եւ 20-րդ կետերի, որոնք ուժի մեջ են մտնում 2008 թվականի փետրվարի 1-ից:

(4-րդ կետը փոփ. 06.07.06 թիվ 968-Ն որոշում)

ՍՏՈՐԱԳՐՎԵԼ Է ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՎԱՐՉԱՊԵՏԻ ԿՈՂՄԻՑ
2005 ԹՎԱԿԱՆԻ ՄԱՅԻՍԻ 13-ԻՆ

Հավելված
ՀՀ կառավարության
2005 թվականի ապրիլի 28-ի
N 540-Ն որոշման

ՏԵԽՆԻԿԱԿԱՆ ԿԱՆՈՆԱԿԱՐԳ
ԾԽԱԽՈՏԻ ՎԵՐԱԲԵՐՅԱԼ

I. ԿԻՐԱՌՄԱՆ ՈԼՈՐՏԸ

1. Ծխախոտի վերաբերյալ տեխնիկական կանոնակարգի (այսուհետ՝ տեխնիկական կանոնակարգ) գործողությունը տարածվում է արտաքին տնտեսական գործունեության

ապրանքային անվանացանկի ծածկագրերին համապատասխան հետեւյալ ծխախոտային հումքի

(ծխախոտահումք) եւ ծխախոտային արտադրատեսակների վրա՝
ծխախոտահումք, ծխախոտահումքի մնացուկներ 2401,

սիգարներ, կտրած ծայրերով սիգարներ, սիգարիլլաներ,
սիգարետներ՝ ծխախոտահումքից կամ ծխախոտահումքի եւ դրա
փոխարինիչների խառնուրդներից 2402,

այլ արդյունաբերական պատրաստման ծխախոտային
արտադրատեսակներ (ծխամորճի եւ ծխելու ծխախոտներ, որոնք
պարունակում են ցանկացած համամասնությամբ փոխարինիչներ կամ
չեն պարունակում) 2403:

2. Սույն տեխնիկական կանոնակարգով սահմանվում են 1-ին կետում ներկայացված
ծխախոտահումքի եւ ծխախոտային արտադրատեսակների անվանագրությունը բնութագրող
ցուցանիշները, դրանց մակնշմանը, փաթեթավորմանը եւ պահմանը ներկայացվող
պահանջները, ինչպես նաեւ համապատասխանության հավաստման ընթացակարգերը:

3. Սույն տեխնիկական կանոնակարգը չի տարածվում ծխախոտահումքի
արդյունաբերական փոխարինիչների եւ ամբողջությամբ դրանցից պատրաստված
ծխախոտային արտադրատեսակների, դեղային սիգարետների, "վերականգնված" ծխախոտի,
ծամախոտի, քթախոտի, ծխախոտի լուծամզների եւ էսենցիաների վրա:

4. Սույն տեխնիկական կանոնակարգի 1-ին կետում ներկայացված ծխախոտահումքը
եւ ծխախոտային արտադրատեսակները ենթակա են համապատասխանության պարտադիր
հավաստման:

II. ՀԻՄՆԱԿԱՆ ՀԱՄԿԱՑՈՒԹՅՈՒՆՆԵՐԸ

5. Սույն տեխնիկական կանոնակարգում կիրառված են "Ծխախոտի իրացման,
սպառման եւ օգտագործման սահմանափակումների մասին" Հայաստանի Հանրապետության
օրենքով եւ սույն բաժնով նախատեսված հետեւյալ հասկացությունները՝

ծխախոտահումք՝ ծխախոտաբույսերից (նիկոտիանա) ստացված հումք, որն
ամբողջական բույսն է կամ տերեւները՝ բնական վիճակում կամ չորացրած կամ
ֆերմենտացված կամ առանձնացված մեջտեղի երակաթելով, կտրատած կամ ոչ, ճզմած կամ
ջարդած, տեսակախառնած եւ խոնավացրած հատուկ բաղադրությամբ հեղուկով, ինչպես
նաեւ ծխախոտաբույսի մնացուկները, պարունակում է նիկոտին եւ նախատեսված է
ծխախոտային արտադրատեսակների պատրաստման համար.

ծխախոտահումքի արդյունաբերական փոխարինիչ՝ ծխելու համար նախատեսված
բույսերի խառնուրդ, որը չի պարունակում ծխախոտաբույսեր.

սպառողական տարա՝ տարա, որով իրացվում է արտադրատեսակը եւ որը փոխադրական
տարա չէ.

փոխադրական տարա՝ տարա, որը կազմում է ինքնուրույն փոխադրական միավոր.
տուփ՝ սպառողական տարայի միավոր, որը պարունակում է որոշակի քանակով
ծխախոտային արտադրատեսակ.

բոքս՝ խմբակային սպառողական տարայի միավոր, որը պատրաստված է տուփի
ստվարաթղթից կամ պիտակային թղթից եւ պարունակում է որոշակի քանակությամբ
սիգարետներով տուփեր.

բլոկ՝ խմբակային սպառողական տարայի միավոր, որը պարունակում է թղթով կամ
պոլիմերային թաղանթով փաթաթված կամ թղթե ժապավենով փաթաթված որոշակի
քանակությամբ սիգարետներով կամ ծխագլանակներով տուփեր,

ծխախոտային արտադրատեսակի խմբաքանակ՝ միեւնույն մակնիշի եւ փաթեթավորմամբ
ծխախոտային արտադրատեսակի քանակ, որը նախատեսված է վերահսկման համար.

ծխախոտային արտադրատեսակի մակնիշ՝ որոշակի սպառողական հատկություններ

ունեցող ծխախոտային արտադրատեսակի անվանում:
 (5-րդ կետը փոփ. 06.07.06 թիվ 968-Ն որոշում)

III. ՇՈՒԿԱ ՄՈՒՏՔ ԳՈՐԾԵԼՈՒ ՊԱՅՄԱՆՆԵՐԸ

6. Հայաստանի Հանրապետության տարածքում ծխախոտահումքի եւ ծխախոտային արտադրատեսակների իրացումն առանց համապատասխանության հավաստման արգելվում է:

7. Հայաստանի Հանրապետության տարածքում համապատասխանության պարտադիր հավաստման ենթակա եւ շրջանառության մեջ գտնվող ծխախոտահումքը եւ ծխախոտային արտադրատեսակները պետք է ուղեկցվեն համապատասխանության նշանի մակնշմամբ կամ համապատասխանության սերտիֆիկատով:

IV. ՏԵԽՆԻԿԱԿԱՆ ՊԱՀԱՆՁՆԵՐԸ

8. Ծխախոտահումքի եւ ծխախոտային արտադրատեսակների անվտանգությունը բնութագրող ցուցանիշները ներկայացված են սույն տեխնիկական կանոնակարգի NN 1 եւ 2 աղյուսակներում եւ 9-13-րդ կետերում:

Ծխախոտահումքի ֆիզիկաքիմիական ցուցանիշները

Աղյուսակ N 1

Ցուցանիշի անվանումը	Ծխախոտահումքը			
	չֆերմենտացված		ֆերմենտացված	
	- սիգարի	- սիգարի	- սիգարի	- սիգարի
Խոնավությունը, %`				
փաթեթավորված կապոցներով 21, ոչ ավելի	-	-		
փաթեթավորված հակերով 17, ոչ ավելի	-	-		
ցանկացած փաթեթավորմամբ	-	30, ոչ ավելի	11-18	25, ոչ ավելի
Աղբոսվածությունը հողով եւ ավազով, %, ոչ ավելի	3,0	3,0	3,0	3,0
Ֆերմենտացվածությունը, սմ3 թթվածին	-	-	0,1	

(1-ին աղյուսակը փոփ. 06.07.06 թիվ 968-Ն որոշում)

Ծխախոտային արտադրատեսակների ֆիզիկաքիմիական ցուցանիշները

Աղյուսակ N 2

Ծխախոտային արտադրատեսակը	Ցուցանիշի անվանումը	Նորմը

Միգրանտ	խոնավությունը, %	11-15
նիկոտինի պարունակությունը մեկ սիգարետի ծխում, մգ/սիգ, ոչ ավելի.		
սիգարետ` ֆիլտրով		1,2
սիգարետ` առանց ֆիլտրի		1,3
խեժի պարունակությունը մեկ սիգարետի ծխում, մգ/սիգ, ոչ ավելի.		
սիգարետ` ֆիլտրով		14,0
սիգարետ` առանց ֆիլտրի		16,0
Միգր, սիգարիլլա	խոնավությունը, %	10-14
Ծխագլանակ		11-15
Ծխելու ծխախոտ		12-16
Ծխամորճի ծխախոտ		11,5-15,5

9. Ծխախոտահումքում եւ ծխախոտային արտադրատեսակներում պեստիցիդների` հեքսաքլորցիկլոհեքսանի (ՀՔՅՀ) եւ դրա իզոմերների եւ երկքլորերկֆենիլեռաքլորեթանի (ԴԴՏ) եւ դրա մետաբոլիտների մնացորդային քանակությունները չպետք է գերազանցեն 0,7 մգ/կգ:

10. Ծխախոտահումքում եւ ծխախոտային արտադրատեսակներում ռադիոնուկլիդների քանակությունը չպետք է գերազանցի`

ցեզիում - 137` 120 Բկ/կգ,

ստրոնցիում - 90` 40 Բկ/կգ:

11. Ծխախոտահումքում չի թույլատրվում ցրտահարված, բորբոսահոտ, նեխած, կողմնակի հոտերով տերեւների եւ դրանց պատառների առկայությունը:

12. Ծխախոտային արտադրատեսակներում չի թույլատրվում բորբոսահոտ, նեխահոտ եւ ծխախոտներին ոչ բնորոշ այլ կողմնակի հոտերի առկայությունը` բացառությամբ հատուկ բուրավետացման համար կիրառվող նյութերի հոտերի:

13. Ծխախոտահումքում տերեւների հիվանդություններով եւ վնասատուներով վնասվածության մակերեւույթը չպետք է գերազանցի 70 տոկոսը:

Ծխախոտահումքի եւ ծխախոտային արտադրատեսակների մակնշման ու փաթեթավորման պահանջները եւ պահման պայմանները

14. Ծխախոտահումքի հակերի, կապոցների, տակառների, զամբյուղների վրա տրանսպորտային մականշվածքը պետք է պարունակի հետևյալ տեղեկատվությունը`

ա) արտադրողի անվանումը եւ գտնվելու վայրը,

բ) ծխախոտահումքի անվանումը, տեսակը,

գ) ֆերմենտացվածությունը (եթե ծխախոտահումքը ֆերմենտացված է),

դ) գտաքաշը եւ համաքաշը,

ե) բերքահավաքի տարեթիվը,

զ) թունաքիմիկատներով վերջին մշակման թվականը եւ դրանց անվանումները (չֆերմենտացված ծխախոտահումքի համար),

ե) վարվելակարգային նշանները՝ "Պահպանել խոնավությունից", "Պահպանել արեւի ճառագայթներից"՝ ըստ սույն տեխնիկական կանոնակարգի VIII բաժնում ներկայացված բեռների մակնշման ստանդարտի:

15. Ծխախոտային արտադրատեսակների ծխախոտի տուփի յուրաքանչյուր միավորը, ինչպես նաեւ բոքսը եւ ծխամորճի ու ծխելու ծխախոտների թափանցիկ փաթեթում տեղադրվող ներդիր թերթիկը պետք է պարունակեն հետեւյալ տեղեկատվությունը՝

ա) արտադրանքի անվանումը ("Սիգարետներ", "Ծխազլանակներ", "Սիգարներ", "Սիգարիլլաներ", "Ծխամորճի ծխախոտ" կամ "Ծխելու ծխախոտ"),

բ) մակնիշը կամ ապրանքային նշանը,

գ) արտադրողի եւ լիցենզավորողի (առկայության դեպքում) անվանումները եւ գտնվելու վայրը կամ այն կազմակերպության անվանումը եւ գտնվելու վայրը, որն արտադրող կազմակերպությունում հսկում է իրեն պատկանող մակնիշների ծխախոտային արտադրատեսակների արտադրության գործընթացը, օգտագործվող հումքը եւ որակը՝ այդ դեպքում մականշվածքում նշելով նաեւ արտադրողի երկիրը՝ որպես արտադրող,

դ) Հայաստանի Հանրապետությունում սպառողների բողոքներն ընդունող կազմակերպության անվանումը եւ գտնվելու վայրը (եթե արտադրողը գտնվում է այլ երկրում),

ե) ֆիլտրի առկայությունը,

զ) քանակը՝ հատերով կամ զանգվածը՝ գրամներով (ծխամորճի եւ ծխելու ծխախոտի համար),

է) մենթոլի առկայությունը,

ը) ծխելու վնասակարության վերաբերյալ հիմնական եւ լրացուցիչ նախազգուշացումները՝ սույն տեխնիկական կանոնակարգի 16-րդ եւ 17-րդ կետերին համապատասխան.

թ) նիկոտինի եւ իւեժի պարունակությունը մեկ սիգարետի ծխում (միայն սիգարետների համար)՝ սույն տեխնիկական կանոնակարգի 19-րդ կետին համապատասխան:

(15-րդ կետը փոփ. 06.07.06 թիվ 968-Ն, 11.01.07 թիվ 68-Ն որոշումներ)

16. Մարդու առողջության վրա ծխախոտի ունեցած բացասական ազդեցության մասին նախազգուշացման տեքստերը լինում են՝

ա) հիմնական նախազգուշացման տեքստով՝ "Ծխելը վնասակար է առողջությանը",

բ) լրացուցիչ նախազգուշացման տեքստերով.

"Ծխելն առաջացնում է թոքի քաղցկեղ",

"Պահպանեք երեխաներին՝ թույլ մի տվեք նրանց շնչել ծխախոտի ծուխը",

"Ծխելը հղիության ընթացքում վնասում է Ձեր ապագա երեխային",

"Ծխելն առաջացնում է սիրտ-անոթային հիվանդություններ":

(16-րդ կետը փոփ. 06.07.06 թիվ 968-Ն, 11.01.07 թիվ 68-Ն որոշումներ)

17. Ծխելու վնասակարության վերաբերյալ հիմնական նախազգուշացման տեքստը պետք է զետեղվի ցանկացած տուփի 2 առավել մեծ մակերեսով կողմերից մեկի վրա, իսկ լրացուցիչ նախազգուշացման տեքստը՝ մյուսի վրա: Նախազգուշացման տեքստերը պետք է ներառվեն սեւ գույնի շրջանակի մեջ եւ զբաղեցնեն ծխախոտային արտադրատեսակների մեծածախ ու մանրածախ առետրում օգտագործվող սպառողական փաթեթի (ծխախոտի տուփի եւ բոքսի) 2 առավել մեծ կողմերից յուրաքանչյուրի մակերեսային 30 տոկոսից ոչ պակաս մակերեսը, ներառյալ շրջանակը, եւ համապատասխանեն սույն տեխնիկական կանոնակարգում տրված օրինակներին (NN 1 եւ 2 ձևեր) եւ հետեւյալ պահանջներին՝

ա) նախազգուշացման տեքստերը պետք է տպված լինեն այնպես, որ բացառվի դրանք հեռացնելու հնարավորությունը եւ տպված լինեն՝

հստակ ու ընթեռնելի,

մուգ թանաքով՝ հակադիր ֆոնի վրա,

Արիալ Արմենիան (Arial Armenian) թավ տառատեսակով, հիմնական նախազգուշացման տեքստը՝ մեծատառերով, լրացուցիչ նախազգուշացման տեքստերը՝ փոքրատառերով, բացառությամբ առաջին տառի՝ մեծատառ.

բ) հիմնական եւ լրացուցիչ նախազգուշացման տեքստերը շրջագծող շրջանակի հաստությունը պետք է լինի 3-ից մինչեւ 4 մմ.

գ) տառատեսակի չափը պետք է ընտրված լինի այնպես, որ նախազգուշացման տեքստերը զբաղեցնեն դրանց համար նախատեսված մակերեսի հնարավոր առավելագույն մասը.

դ) նախազգուշացման տեքստերը պետք է գտնվեն դրանց համար նախատեսված մակերեսային կենտրոնում, տուփի վերին եզրին զուգահեռ եւ բացելիս հնարավոր լինի խուսափել այն վնասելուց.

ե) նախազգուշացման տեքստերը չպետք է՝

տպագրվեն կամ ամրացվեն թափանցիկ կամ արտաքին փաթեթավորման տարր համարվող թղթի վրա,

թաքնված կամ ծածկված լինեն այլ տպագրված տեղեկատվությամբ կամ պատկերով, տպագրված լինեն սպառողական փաթեթի (ծխախոտի տուփի եւ բոքսի) ակցիզային դրոշմանիշերի վրա:

Ծխամորճի եւ ծխելու ծխախոտների թափանցիկ փաթեթավածքների դեպքում՝ սույն տեխնիկական կանոնակարգի 16-րդ կետով նախատեսված՝ ծխելու վնասակարության վերաբերյալ նախազգուշացումների տեքստերը պետք է զետեղվեն ներդիր թերթիկի վրա եւ զբաղեցնեն դրա մակերեսային 30 տոկոսից ոչ պակաս մակերեսը:

Սույն տեխնիկական կանոնակարգի 16-րդ կետի "բ" ենթակետով նախատեսված 4 տարբերակով լրացուցիչ նախազգուշացման տեքստերից յուրաքանչյուրը պետք է նշված լինի մոտավորապես հավասար քանակով ծխախոտային արտադրատեսակների սպառողական

փաթեթի (ծխախոտի տուփի եւ բոքսի) վրա, ինչը կապահովի բոլոր լրացուցիչ նախազգուշացման տեքստերի պարբերաբար երեւալու հնարավորությունը:

(17-րդ կետը փոփ. 06.07.06 թիվ 968-Ն, 11.01.07 թիվ 68-Ն որոշումներ)

18. Հայաստանի Հանրապետությունում սպառողների բողոքներն ընդունող կազմակերպության մասին տեղեկատվությունը թույլատրվում է զետեղել տուփի ներսում՝ կարդալու համար հարմար տեղում:

19. Նիկոտինի եւ խեժի պարունակության վերաբերյալ տեքստը պետք է ներառվի սեւ գույնի շրջանակի մեջ եւ զբաղեցնի մեծածախ ու մանրածախ առեստրում օգտագործվող սպառողական փաթեթի (ծխախոտի տուփի եւ բոքսի) կողմնային մակերեսային 10 տոկոսից ոչ պակաս մակերեսը՝ ներառյալ շրջանակը, եւ համապատասխանի սույն տեխնիկական կանոնակարգում տրված օրինակներին (NN 1, 2 ձևեր) եւ հետեւյալ պահանջներին՝

ա) նիկոտինի եւ խեժի պարունակության վերաբերյալ տեքստը պետք է տպված լինի այնպես, որ բացառվի դրա հեռացնելու հնարավորությունը եւ լինի տպված՝

հստակ ու ընթեռնելի,

մուգ թանաքով՝ հակադիր ֆոնի վրա,

Արիալ Արմենիան (Arial Armenian) թավ տառատեսակով, "Նիկոտին" եւ "Խեժ" բառերը՝ մեծատառերով, նիկոտինի եւ խեժի չափման միավորները՝ փոքրատառերով.

բ) նիկոտինի եւ խեժի պարունակության վերաբերյալ տեքստը շրջագծող շրջանակի հաստությունը պետք է լինի 3-ից մինչեւ 4 մմ.

գ) տառատեսակի չափը պետք է ընտրված լինի այնպես, որ նիկոտինի եւ խեժի պարունակության վերաբերյալ տեքստը զբաղեցնի դրա համար նախատեսված մակերեսի հնարավոր առավելագույն մասը.

դ) նիկոտինի եւ խեժի պարունակության վերաբերյալ տեքստը պետք է տպված լինի

դրա համար նախատեսված մակերեսային կենտրոնում, տուփի կողմնային եզրին զուգահեռ եւ բացելիս հնարավոր լինի խուսափել այն վնասելուց.

ե) նիկոտինի եւ խեժի պարունակության վերաբերյալ տեքստը չպետք է՝ տպագրվի կամ ամրացվի թափանցիկ կամ արտաքին փաթեթավորման տարր համարվող թղթի վրա.

թաքնված կամ ծածկված լինի տպագրված այլ տեղեկատվությամբ կամ պատկերով, տպագրված լինի սպառողական փաթեթի (ծխախոտի տուփի) ակցիզային դրոշմանիշերի վրա:

(19-րդ կետը փոփ. 06.07.06 թիվ 968-Ն, 11.01.07 թիվ 68-Ն որոշումներ)

20. Թույլատրվում է ծխախոտահումքի տրանսպորտային փաթեթվածքի, ինչպես նաև ծխախոտային արտադրատեսակների տուփերի, բոքսերի, ծխամորճի եւ ծխելու ծխախոտների ներդիր թերթիկների վրա արտադրանքը բնութագրող այլ տեղեկությունների լրացուցիչ զետեղումը, որոնք չեն հակասում սույն տեխնիկական կանոնակարգի 14-րդ եւ 15-րդ կետերում նշված տվյալներին, սակայն չի թույլատրվում "Նիկոտինի (խեժի) ցածր պարունակություն", "Թեթե", "Շատ թեթե" ("Գերթեթե"), "Փափուկ", "Յուրահատուկ ֆիլտր" կամ ցանկացած այլ՝ մոլորության մեջ գցող տերմինների օգտագործումը, որոնք ուղղակի կամ անուղղակի կերպով նպաստում են տվյալ ծխախոտային արտադրատեսակի պակաս վտանգավոր լինելու մասին կարծիքի ձևավորմանը:

(20-րդ կետը փոփ. 06.07.06 թիվ 968-Ն, 11.01.07 թիվ 68-Ն որոշումներ)

21. Արտադրողը, մատակարարը կամ նրա լիազոր ներկայացուցիչը պետք է ապահովեն Հայաստանի Հանրապետությունում իրացվող՝ Հայաստանի Հանրապետությունում արտադրվող կամ ներմուծվող ծխախոտային արտադրատեսակների մասին սույն կանոնակարգի 15-րդ եւ 20-րդ կետերում նշված տեղեկատվության տրամադրումը՝ հայերենով:

Արտադրողը ու լիցենզավորողի անվանումները եւ ծխախոտային արտադրատեսակների մակնիշները կարող են ներկայացվել լատիներեն տառերով:

(21-րդ կետը փոփ. 15.11.05 թիվ 1957-Ն, 06.07.06 թիվ 968-Ն որոշումներ)

22. Ծխախոտահումքը պետք է պահվի չոր, մաքուր, լավ օդափոխվող, ամբարային վնասատուներով չվարակված պահեստներում, որոնց հատակը պետք է լինի փայտե՝ առանց ճեղքերի: Եթե հատակը փայտե չէ, ապա կապոցներն ու հակերը պետք է դասավորվեն փայտե տախտակամածի վրա:

Ծխախոտային արտադրատեսակները պետք է պահվեն հողի մակերեսային բարձր հատուկ ունեցող չոր, մաքուր, (60+/-10) տոկոս օդի հարաբերական խոնավությամբ սենքերում եւ դասավորված լինեն սենքի հատակից առնվազն 10 սանտիմետր բարձր:

(22-րդ կետը փոփ. 11.01.07 թիվ 68-Ն որոշում)

V. ՀԱՄԱՊԱՏԱՍԽԱՆՈՒԹՅԱՆ ՀԱՎԱՍՏՄԱՆ ԸՆԹԱՑԱԿԱՐԳԵՐԸ

23. Սույն տեխնիկական կանոնակարգի պահանջներին ծխախոտահումքի եւ ծխախոտային արտադրատեսակների համապատասխանությունը հավաստելու համար արտադրողը, մատակարարը կամ նրա լիազոր ներկայացուցիչը պետք է ունենան Հայաստանի Հանրապետության կառավարության 2004 թվականի օգոստոսի 12-ի "Արտադրանքի կամ ծառայությունների համապատասխանության պարտադիր հավաստման համար կիրառվող սխեմաները եւ դրանց նույնականացման նշագրերը սահմանելու մասին" N 1170-Ն որոշմամբ սահմանված 2ա, 3ա, 4ա, 5ա կամ 6ա սխեմաներով հավաստված համապատասխանության սերտիֆիկատ:

24. Արտադրողը, մատակարարը կամ նրա լիազոր ներկայացուցիչը ծխախոտահումքի եւ ծխախոտային արտադրատեսակների սպառողական եւ փոխադրական տարաների վրա կամ

ապրանքաուղեկից փաստաթղթերում կարող են նշել համապատասխանության նշանը՝ Հայաստանի Հանրապետության կառավարության 2004 թվականի սեպտեմբերի 9-ի "Համապատասխանության նշանի պատկերը, դրան ներկայացվող տեխնիկական պահանջները

եւ կիրառման կարգը հաստատելու մասին" N 1281-Ն որոշմամբ սահմանված կարգով:

25. Մերտիֆիկացման մարմինը փորձարկումներ կատարելու նպատակով նմուշառումն իրականացնում է արտադրողի, մատակարարի կամ նրա լիազոր ներկայացուցչի մասնակցությամբ՝ տվյալ խմբաքանակը բնորոշող նվազագույն բավարար քանակով սույն տեխնիկական կանոնակարգի VIII բաժնում ներկայացված ծխախոտահումքի եւ ծխախոտային արտադրատեսակների ստանդարտներով սահմանված նմուշառման կարգին համապատասխան:

26. Ծխախոտահումքի եւ ծխախոտային արտադրատեսակների նույնականացման գործընթացում ստուգվում են սպառողական կամ փոխադրական տարաների կամ պիտակների

վրա կատարված մականշվածքի համապատասխանությունն ապրանքաուղեկից փաստաթղթում

ներկայացված տեղեկատվությանը:

27. Հավատարմագրված փորձարկման լաբորատորիան փորձարկումները պետք է կատարի սույն տեխնիկական կանոնակարգի VIII բաժնում ներկայացված ստանդարտներով սահմանված փորձարկման մեթոդներով:

Ռադիոնուկլիդների պարունակությունը պետք է որոշվի Հայաստանի Հանրապետության առողջապահության նախարարի կողմից հաստատված մեթոդներով: (27-րդ կետը փոփ. 15.11.05 թիվ 1957-Ն, 06.07.06 թիվ 968-Ն որոշումներ)

28. Համապատասխանության սերտիֆիկատի գործողության ժամկետի ընտրությունը պետք է կատարվի ըստ իրականացված համապատասխանության հավաստման սխեմայի՝

2ա կամ 6ա սխեմայի դեպքում՝ 12 ամիս,

3ա սխեմայի դեպքում՝ 24 ամիս,

4ա կամ 5ա սխեմայի դեպքում՝ 36 ամիս:

29. Մերտիֆիկացման մարմինը հայտատուին համապատասխանության սերտիֆիկատ հանձնելու ժամանակ նրա հետ կնքում է համապատասխանության սերտիֆիկատի օգտագործման մասին պայմանագիր, եթե սերտիֆիկացման գործողությունները կատարվել են 2ա, 3ա, 4ա եւ 5ա սխեմաներից որեւէ մեկով:

30. Մերտիֆիկացված ծխախոտահումքի եւ ծխախոտային արտադրատեսակների համապատասխանության հսկողությունն իրականացվում է համապատասխանության սերտիֆիկատի գործողության ժամկետի ընթացքում, առնվազն տարեկան մեկ անգամ սույն տեխնիկական կանոնակարգի 29-րդ կետում նշված պայմանագրի հիման վրա:

31. "Համապատասխանության գնահատման մասին" Հայաստանի Հանրապետության օրենքին համապատասխան համապատասխանության հսկողության արդյունքների հիման վրա

սերտիֆիկացման մարմինն իրավունք ունի պահպանելու իր կողմից տրված համապատասխանության սերտիֆիկատի գործողության ժամկետը կամ այն կասեցնելու կամ

դադարեցնելու: Համապատասխանության սերտիֆիկատի գործողության կասեցման կամ դադարեցման պայմանները սահմանված են Հայաստանի Հանրապետության կառավարության

2004 թվականի օգոստոսի 12-ի N 1170-Ն որոշմամբ:

32. Համապատասխանության սերտիֆիկատի գործողությունը կասեցնելու կամ դադարեցնելու դեպքում սերտիֆիկացման մարմինը դրա մասին տեղեկացնում է համապատասխանության սերտիֆիկատը տնօրինողին եւ գրավոր ծանուցում ստուգումներ իրականացնող իրավասու մարմիններին:

VI. ՉԱՓՈՒՄՆԵՐԻ ՄԻԱՍՆԱԿԱՆՈՒԹՅԱՆ ԱՊԱՀՈՎՈՒՄԸ

33. Ծխախոտահումքի եւ ծխախոտային արտադրատեսակների չափումների միասնականությունը պետք է ապահովվի "Չափումների միասնականության ապահովման մասին" Հայաստանի Հանրապետության օրենքով սահմանված կարգով:

VII. ՊԵՏԱԿԱՆ ՎԵՐԱՀՄԿՈՂՈՒԹՅՈՒՆԸ

34. Սույն տեխնիկական կանոնակարգի պահանջներին ծխախոտահումքի եւ ծխախոտային արտադրատեսակների համապատասխանության նկատմամբ պետական վերահսկողությունը պետք է իրականացվի "Համապատասխանության գնահատման մասին" Հայաստանի Հանրապետության օրենքով սահմանված կարգով:

VIII. ՏԵԽՆԻԿԱԿԱՆ ԿԱՆՈՆԱԿԱՐԳՈՎ ՍԱՀՄԱՆՎԱԾ ՊԱՀԱՆՋՆԵՐԻ ԿԱՏԱՐՈՒՄ ԱՊԱՀՈՎՈՂ ՍՏԱՆԴԱՐՏՆԵՐԻ ՑԱՆԿԸ

Ստանդարտի նշագիրը (կետը)	Պահանջներ եւ փորձարկման մեթոդներ սահմանող ստանդարտի անվանումը
ԳՕՍ 858 (6.1, 6.3 կետերը)	Ծխախոտ ծխելու. Ընդհանուր տեխնիկական պայմաններ
ԳՕՍ 1505 (6.1, 6.5 կետերը)	Ծխազլանակներ. Ընդհանուր տեխնիկական պայմաններ
ԳՕՍ 3713 (3.1, 3.2, 3.3, 3.5, 3.6 կետերը)	Ծխախոտահումք սիգարի չֆերմենտացված. Տեխնիկական պայմաններ
ԳՕՍ 3714 (3.1, 3.2, 3.3, 3.5, 3.6, 3.7 կետերը)	Ծխախոտահումք սիգարի ֆերմենտացված. Տեխնիկական պայմաններ
ԳՕՍ 3935 (6.1, 6.3 կետերը)	Սիգարետներ. Ընդհանուր տեխնիկական պայմաններ
ԳՕՍ 7823 (6.1, 6.3 կետերը)	Ծխախոտ ծխամորձի. Ընդհանուր տեխնիկական պայմաններ
ԳՕՍ 8072 (4.1, 4.2, 4.3, 4.4, 4.5 կետերը)	Ծխախոտահումք ֆերմենտացված. Տեխնիկական պայմաններ
ԳՕՍ 8073 (4.1, 4.2, 4.3, 4.4 կետերը)	Ծխախոտահումք չֆերմենտացված. Տեխնիկական պայմաններ
ԳՕՍ 8699	Սիգարներ. Տեխնիկական պայմաններ

(3.1, 3.2 կետերը)		
ԳՕՍՍ 14192	Մակնշում բեռների	
(4.1, 4.2 կետերը)		
ԳՕՍՍ 30039 (ԻՍՕ 8243)	Սիգարետներ. Նմուշառում	
ԳՕՍՍ 30040 (ԻՍՕ 4874)	Ծխախոտ. Նմուշառում հումքի խմբաբանակներից. Հիմնական դրույթներ	
ԳՕՍՍ 30570 (ԻՍՕ 10315)	Սիգարետներ. Ծխի խտուցքում նիկոտինի պարունակության որոշումը գազային քրոմատագրման մեթոդով	
ԳՕՍՍ 30571 (ԻՍՕ 4987)	Սիգարետներ. Սիգարետների ծխում խոնավ եւ նիկոտինի չպարունակող չոր կոնդենսատի (խեժի) պարունակության որոշումը լաբորատոր ծխելու մեքենայի օգնությամբ	
ՀՍՍ ԻՍՕ 4389	Ծխախոտահումք եւ ծխախոտային արտադրատեսակներ. Քլորօրգանական պեստիցիդների մնացորդային քանակների որոշում. Գազային քրոմատագրման մեթոդ	

(VIII բաժինը փոփ. 15.11.05 թիվ 1957-Ն, 06.07.06 թիվ 968-Ն որոշումներ)

Ձեռ N 1

ԾԽԱԽՈՏԻ ՏՈՒՓԻ ՎՐԱ ԾԽԵԼՈՒ ՎՆԱՍԱԿԱՐՈՒԹՅԱՆ ՎԵՐԱԲԵՐՅԱԼ ՀԻՄՆԱԿԱՆ ԵՎ
ԼՐԱՑՈՒՑԻՉ ՈՒ ՆԻԿՈՏԻՆԻ ԵՎ ԽԵՃԻ ՊԱՐՈՒՆԱԿՈՒԹՅԱՆ ՏԵՔՍՏԵՐԻ
ՁԵՏԵՂՄԱՆ ՕՐԻՆԱԿՆԵՐԸ

Հիմնական նախազգուշացման Լրացուցիչ նախազգուշացման տեքստերը
տեքստը

ԾԽԵԼԸ		Պահպանեք		Ծխելն	
ՎՆԱՍԱԿԱՐ Է		Էրեխաներին՝		առաջացնում է	
ԱՌՈՂՁՈՒԹՅԱՆԸ		թույլ մի տվեք նրանց		սիրտ-անոթային	
		շնչել ծխախոտի ծուխը		հիվանդություններ	

Նիկոտինի եւ խեժի
պարունակության
տեքստը

ԽԵԺ՝ մգ/սիգ |
ՆԻԿՈՏԻՆ՝ մգ/սիգ |

(2-րդ ձեռք լրաց. 11.01.07 թիվ 68-Ն որոշում)